



Synfocity = 412

18th October, 2012

mail us at : mzsynfo@gmail.com; mizoramsynod@gmail.com - Phone - 2314648

□ Synod Committee

Mizoram Presbyterian Church Synod hnuaiia Committee leh Board peng hrang hrangte Synod Inkhawmpui atana inbuatsaihin an thu tan dawn a. October 22 (Thawhtanni) hian Pension Board Committee an thu ang a, October 23 (Thawhlehi) hian Presbyterian Communications (PRESCOM) Board Committee an thu leh ang a, October 24 (Nilaini) hian Sunday School Committee an thu ang a, October 25 & 26 hian Synod Mission Board Committee an thu leh ang.

□ School Day hmang

October 15 (Thawhtanni) khan P.C. Girls' School chuan School Chapel-ah School Day vawi 9-na an lawm. School Day lawmna programme-ah hian Pi Chalnguaiin hunserh hmangin Pi Lalropuii, Headmistress-in report a pe a, inhmelhriattirna hun a hmang bawk. School Day vawi 9-na pual hian he school-a zir chhuak Pi Lalduhawmi, Mission Veng chuan zirlai exam-a tithate lawmman tur leh school-in a tangkaipui tur thil dangte a hlan a, zirlaite leh zirtirtuten items hrang hrang neiin hun hlimawm tak an hmang a ni.

P.C. Girls School hi kum 1903-ah Zosap Missionary-ten an din a, zirna in hlawhtling tak, naupang thiamna mai bakah nun mawi chhawm chhuatir thintu school a ni chho zel a. Kum 2003 October thla khan kum 100 champha an lo lawm tawh nghe nghe a ni. Tunah hian kum 109-na an hmang mek a, School Day hi kum 2004 atang khan an hmang tan a ni.

He School-ah hian Class A atanga Class VIII thlenga zirna a awm a, tunah hian zirlai 497 leh thawktu 37 an awm mek a ni. Tun tum School Day denchhen hian Painting leh Drawing Exhibition buatsaih a ni a, chu bakah Synod Hospital, Durtlang-ah Rs.11,510/- leh Alu bag 3 an hlan bawk.

□ Synod Press-in 4 colour offset nei thar

October 16 (Thawhlehi) khan Synod Press chuan 4 colour offset printing machine a neih thar thar hlanna inkhawm an nei.

He inkhawm hi Upa F. Lalsangliana, General Manager, PRESCOM-in a kaihrui a, khawl chungchang reports pein khawl hnathawh dan kalhmang a sawifiah bawk. Rev. Vanlalzuata, Senior Executive Secretary-in khawl thar hi Pathian hnenah a hlan a, Upa D.P. Biakhuma, Synod Secretary-in tawngtaiin hun a khar. Synod Office leh Bookroom-a thawktute leh Synod puipate leh mi pawimawh dangten he hun hi an hmanpui a ni.

Synod Press-ah hian Presbyterian Kohhran chanchinbu thlakip chhuak copy 152550 zet thla tin chhut thin a ni a. Heng chanchinbute hi four colour-a chhut an ngai a, Press hian two colour khawl chauh a neih avangin barh nawn zel a ngai thin a. Chu chuan chanchinbute a hun taka tihchhuah kawngah harsatna a siam fo thin a ni. Tunlai lehkhahu chhuak thar reng reng a kawm nalh leh tha duhna a san zel avangin Four-Colour khawl mamawhna hi a sang ta em em bawk a. He thu hi July 19, 2011-a PRESCOM Board Executive Committee (BEC)-ah thlen a ni a, BEC chuan mamawh ni a hriain October 18, 2011 khan PRESCOM Board-ah a thlen a. Board pawh chuan tula hriain SEC-ah a thlen leh a, SEC 235:32 (3) chuan lei phalsakin a lei nan Rs.40,00,000/- a pe ta a ni. Synod Press hi Kum 1911-a Zosap missionary te lo din a ni a, nasa taka hma sawn chho zelin tunlai khawl tha leh chak tak tak a nei thluah tawh a, he 4 color offset khawl hi Japan siam SUMITOMO MILLER a ni.

He khawl hian lehkhah inchi 19-a hlai, inchi 26-a sei a chhu thei a, vawi khat tlanah rawng chikimin, a sen, a eng, a pawl, a dum leh rawng dangte kha a chhu chhuak nghal vek thei a ni. A chhut chak theih dan chu Kristian Tlangau bu kawm hi phekkhah 4 chhuakin a chhu nghal a, darkar khatah copy 14,000 a chhu chhuak thei a ni. Khawl hi a thar hlak a ni lo va, Rs. 50,00,000/- man a ni. SEC-in a man tur a pek sain a daih loh avangin SEC hian nuai 10 an pek belh leh a ni. He khawl hi Aizawla 4 colour khawl awm mek zingah lehkhah chhu rang thei ber a ni.

□ Student Christian Movement (NEI) Platinum Jubilee

India ram chhunga Kristian zirlaite inzawmkhawmna pawl, Student Christian Movement (SCM) chuan an din champha vawi 100-na lawmna puala lawmthu sawi inkhawm leh India Hmarchhak (NEI)-a an din kum 75-na Platinum Jubilee lawmna ni pahfawma North East India Regional Workshop an buatsaih chu nimin (Oct. 17) khan an khar ta.

Student Christian Movement (North East India) hian October ni 15-17 chungin SCMI Centenary lawmna leh India Hmarchhaka an din kum 75 tlin lawmna Aizawl Theological College-ah an hmang a. An jubilee thupui atan "Witnessing Christ in a Pluralistic World" tih an hmang a, "Economic Justice" tih chungchang thuziak an zirho bawk. Student Christian Movement hian kum tinin Annual Regional Camp an buatsaih thin a, tun tuma mi hi a vawi 72-na a ni a, Mizoram Unit-in an thleng a ni. India Hmarchhak hmun hrang hrang atangin an Unit aiawh palaite an lo fuankhawm a. October 15 khan D.E. Jones Hall, ATC-ah Inlawmna inkhawm buatsaih a ni a, ATC Principal Rev. Dr. Vanlalchhuanawman member-te lawmna thu a sawi a, Student Christian Movement India aiawhin Dr. A.J. Anandan-an chibai bukna thu a sawi bawk.

October 16-ah ATC Chapel leh D.E. Jones Hall-ah Student Christian Movement India-in kum 100 a tlin lawmna leh Pathian hnenah lawmthu sawina inkhawm buatsaih a ni a, Bible Study leh Paper zirhona te neih leh a ni a, Sandy's Hall-ah Pathian faka zaihona, inpawlhona leh lawmthu sawi tawngtairualna hun an hmang a. Chairperson SMI, Bishop Dr. Geervareese Coorilos-an Centenary lawmna thuchah a sawi a, General Secretary SCMI, Rev. Raj Bharath Patta-an thuchah tawi a sawi bawk.

October 17-ah Student Christian Movement, North East India kum 75 tlin lawmna pual bik SCMNEI Platinum Jubilee Celebration neih chhunzawm a ni a. Chairperson SCM NEI, Malakia Lalnunfelan a kaihrui a, thupui "Witnessing Christ in a Pluralistic World" zir hona te, thuchah ngaihthlakna te leh zai ngaihthlakna tea tan hun hman a ni a. Bishop Dr. Geevarghese Coorilos-an Jubilee Souvenir tlangzarhin thuchah a sawi a, North East India Christian Council Youth Assembly (NEICCYA) aiawhin Dr. Lalliansangan thu tawi a sawi bawk. SCMI North East India Platinum Jubilee lawmna pual inkhawmpui-ah hian SCMI Unit aiawhte bakah North East India Christian Council Youth Assembly (NEICCYA), Young Women Christian Association (YWCA), Missionary Training College (MTC) leh Academy of Integrated Christian Studies (AICS) te pawhin palai an tir a ni.

Contd...

□ **Aizawl Theolocal College**

Aizawl Theological College chu nikum (2011) Synod Inkhawmpuiin Doctoral Centre (Pathian thua Doctor zir theihna) atana siam tura a rêl chu bawhzuiin Senate of Serampore College atangin a endiktu 'Commission' Member mi 6 ten anrawn tlawh dawn a, October 19 (Zirtawpni)-ah lo thlengin tlai dar 6-ah Mizoram State Guest House-ah hêng Commission memberte hi lo lawmna neih a ni ang a. Hetah hian cultural item Lili Vêng Cultural club-in an entir ang. Chumi zawhah mikhualte pualin zanriah kil tur a ni a, hetah hian Synod Theological Education Board member te, ATC Principal lo ni tawh te, Synod Officer te bâkah Mizoram University Registrar leh MBSE President te sawm an ni. October 20 (Inrinni) nilengin ATC-ah an cham ang a, Library te enin Zirtirtute leh Zirlaite an kawm ang a, Tlaihah ATC zirlaiten anmahni lawmna an buatsaih ang a. ATC Faculty ten Zanriah an kilpui ang. October 21 (Pathianni)-ah Khawpui Kohhran hrang hrangah an inkhawm ang.

Commission member te chu :

Rev. Dr. Ravi Tiwari,
Registrar,
Senate of Serampore College/University,
Serampore, Kolkata.

Prof. (Fr) G. Patrick,
Roman Catholic Father,
Professor, HOD, Christian Studies, Madras University, Chennai.

Dr. J.G. Muthuraj,
Professor, HOD New Testament.
UTC, Bangalore.

Dr. Takatemjen Ao,
Principal, CTC, Mokokchung, Nagaland.
Chairman, Research Committee,
Senate of Serampore College/University

Dr. P.T. George,
Principal, Kerala United College,
Member of Committee for B.Miss Course.

Rev. Dr. H. Vanlalauva,
Dean of Research & SATHRI,
Senate of Serampore University, Serampore.

A tirah Memberte hi mi 7 tur an ni a, an zinga pakhat a damsam loh leh thut avangin mi 6 an ni dawn ta a ni.

□ **Zin**

October 17 - 20 chung hian Manipur Area Committee a tel turin Rev. Thangzauva, Synod Moderator; Rev. Dr. Lalmangaiha, Finance Officer; Rev. Vanlalzuata, Senior Executive Secretary; Rev. Lalchhuanliana, Committee Member; Rev. C. Vanlalhuaia, Committee Member; Rev. C. Laltanliana, Committee Member leh Upa C. Lalmuankima, Committee Member te an kal.

□ **MZP Inter High School Quiz 2012 Champion lawm dawn**

Vawiin (Oct. 18) chawhnu dar 1:00 hian Presbyterian English School, Khawzawl Vengthar Pastorate chuan MZP Inter High School Quiz 2012-a an school aiawhtu K. Lalmangaiha (CI-X) leh Malsawmkimi (CI-X) te Champion an nih lawmna, Khawzawl Vengthar YMA Hall-ah an hmang dawn a, Pu Lalrinliana Sailo, Health & Family Welfare Minister chu Khuallian a ni ang a, Rev. Mangchhuana Sailo, Supervisor of Schools chu Khual Zahawm a ni ang. Tlaihah ruai an kilho nghal ang.

□ **Kristian Thalai Pawl**

◆ **Youth Camp 2012**

October 18 - 21 hian Birsingki Presbyterian Church, Meghalaya-ah Presbyterian Youth Fellowship (PYF) Youth Camp 2012, neih a ni dawn a, thupuihah 'Youth and Development' tih an hmang ang a, Karbi Anglong General Assembly Administrative Area (KAGAAA) ten an thleng dawn a ni. Youth Camp-ah hian Dr. Lalrindiki Ralte, ATC Associate Professor chu Resource Person pakhat tur a ni a, Rev. Dr. K. Lallawmzuala, PYF Leader-in October 21 (Pathianni) zana thuchah a sawi baw ang.

Youth Camp-a tel tur hian Central KTP palai tur mi 30 leh Kolasib Diakkawn Bial Zaipawl mi 28 ten nimin (Oct. 17) khan Aizawl an chhuahsan a ni.

◆ October 20 & 21 hian Kawrthah Branch KTP Diamond Jubilee lawmna hmanpui turin T. Upa Lalramdina Ralte leh Dr. H. Lalthanzara, Central KTP Committee Members te an kal ang.

◆ October 20 (Inrinni) hian Muanna Branch KTP ten Leadership Training an nei dawn a, training neihpui tur hian Pu R. Lalmingthanga leh Dr. Lalliansanga, Central KTP Committee Members te an kal ang.

◆ KTP General Conference, 2012 a thurel, 'Mental Health, Work Ethics leh Value System Inzirtirna neih ni rawh se' tih chu bawhzuiin mithiamte sawmin Doordarshan (DDK) leh All India Radio (AIR) ah te sawihona leh inkawmhona te neih tawh a ni a. Tunah hian hemi chungchanga hmalakna pakhat atan Branch tina zir tur Booklet thawnchhuah mek a ni a, hemi hmu lo te chuan KTP Office-ah ngaihven theih a ni.

□ **Presbyterian Pastor Nupuite Intawkhawm**

October 24 (Nilaini) chawhma dar 10:00 hian Pi Zaii Hall, Synod Conference Centre-ah Presbyterian Pastor Nupuite Intawkhawmna neih a ni ang.

Presbyterian Kohhran Pastor Nupuite hian kum tin intawh khawmna hun an hmang thin a, mithiamte ruaiin thuchah ngaihthlak bakah thupui thlan bik paper te an zirho thin a, an pasalte rawngbawl na an tawiam theih dan tur leh Kohhran tana Nu nih tling an nih theihna tura theih tawpa hma la tura infuihna hun te hman a ni baw thin.

□ **Hruaina Eng FM Radio & TV Programme**

◆ **OCTOBER 19 (FM Radio @ 7:30 p.m.) :**

Choir : Mizoram Synod Choir - Ka Tan I Tuar, Bawngkawn Pastor Bial - Isua hnenah ka him ang, **Thuchah** : Rev. Vanlalzuata - Khawvel mamawh, **Group** : Vohbik - Khualzinna ram, **Solo** : C. Vanlalvuana - A mawi ber e

◆ **OCTOBER 21 (TV Programme @ 3:00 p.m. :**

Choir : Dawrpui Vengthar Bial Zaipawl -Lalpa nghak rawh, **Sermon** : Upa Dr. Lalrintluanga - Kristian Chhungkua, **Solo** : Joy Zairemmawia - In Mawi, PC Girls' School Day Vawi 9-na, **Kulikawn KTP Musical Drama @ KTP General Conference, 2012**

□ **Susamachar Prasaran Programme**

October 21 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Aizawl Venglai Masihi Sangati - Dil se me, **Group/Choir/Solo** : Luangmual Vengthlang - Shristi, **Sermon** : Zohmingthanga - Yeshu Sabka Sahara, **Group/Choir/Solo** : Mission Veng Masihi Sangati - Jisu Daken, **Group/Choir/Solo** : Central PYF Choir - Krus Par

□ **Moderator Programme**

Synod Moderator Rev. Thangzauva chu Manipur Area Committee-a tel turin October 17 khan Manipur a pan a, October 20 hian a lo let leh ang.

□ **Synod Revival Beihpui**

Synod Revival Committee chuan October 26 & 27 hian Aizawl khawpui chungah Revival Beihpui neih leh nise tiin a rel a, thupuih 'Ram chu Lalpa ta a ni' (Sam 22:28) tih an hmang ang. October 26 (Zirtawpni) zanah Aizawl khawpui chungah Pastor Bial tin huapin Beihpui Thawh khatna, Open Air Service neih a ni ang a, Synod Revival Speaker ten Pathian Thuchah an sawi ang a, tawngtai rualna neih a ni bawk ang. October 27 (Inrinni) 11:00 a.m. - 2:30 p.m. thleng A.R. Ground-ah Beihpui Thawh hnihna neih leh a ni ang a, Rev. Zosangliana Colney, Executive Secretary-in hun kaihruiin tawngtairual leh thusawina hun hman ani ang.

Synod Revival Beihpui programme atan hian hmun (area) hrang hrang 34 ah hun hman tur a ni dawn a, programme hmanna tur hmun (area) te chu :

Sn	Speakers Hming	Kalna tur Bial	Sn	Speakers Hming	Kalna tur Bial
1.	Upa Lallawmsanga, Agape Gospel Team	- Mission Veng Bial	18.	C. Lalenga, Hunter for Christ Team	- Electric Bial
2.	Jerry Laltanpuia, Krista Remna Palai Team	- Ramhlun North Bial	19.	K. Lalthuama, Eliashiba Gospel Team	- Leitan Bial
3.	Upa Ramtharlina, Krista Palai Team	- Dawrpui, Bial	20.	Tv. Lalngaihzuala, Krista Kraws thlangtu	- Vaivakawn Bial
4.	Upa Zarzolia, Lalpa Kohchhuah Team	- Zemabawk Bial	21.	K. Lalawmpuia, Misualte thian Team	- Bethlehem Bial
5.	Pu Laltindawia, Pathian thuruk enkawltu Team	- Chhinga Veng bial	22.	Tv. C. Lalchullova, Gospel Logos Team	- Khatla Bial
6.	Pu Lalthantluanga, Krista thuhritlu Team	- Republic Bial	23.	Tv. Lalhriatkima, Prayer Team	- Venghnuai Bial
7.	Pu Lalthanruala, Koinonia Team	- Kulikawn Bial	24.	Tv. Vanlalvuana, Kraws hnehna puangtu Team	- Ramthar Bial
8.	Pu F. Hmingthansanga, Milunggaite thian Team	- Chawnpui Bial	25.	Tv. Lalthlengkima Pachuau, Doulos Revival Team	- Ramhlun Vengthar Bial
9.	Pu Lalremruata, Sinners Friend Team	- Venghlui Bial	26.	Tv. R. Lallungmuana, Hebron Revival Team	- Tanhril Bial
10.	C. Lalzahawma, Hnehna puangtu Team	- Bungkawn Bial	27.	Tv. Lalremruata Sailo, The Shibolet Team	- Luangmual Bial
11.	C. Ramtharngaha, Jehova Jire Team	- Maubawk Bial	28.	Pu Jacob Rosangliana, Kraws chhuangtu Team	- Zonuam Bial
12.	R. Lalnunkima, Kraws Sipai Team	- Thuampui Bial	29.	Tv. Laihanngura, The Zionist Team	- Ramhlun Bial
13.	Lallawmzuala Pautu, Kraws fate Team	- ITI Bial	30.	Tv. R. Lalhruaimawia, Kraws fate Team	- Chanmari Bial
14.	Lalsangzuala Ngente, Ebenezer Revival Team	- Bawngkawn Bial	31.	Upa Zoramliana, A hniaka zuitu Team	- Chaltlang Bial
15.	David Lalhmingliana, Lalpa kohte Team	- Durtlang Bial	32.	Pu C. Lalthantluanga, Saltang chhuahtu Team	- Armed Veng Bial
16.	Lalmunsanga, Krista Remna Palai Team	- Hlimen Bial	33.	Pu C. Sapchhawna, Remna Palai Team	- Tuikual Bial
17.	C. Lallianthanga, Agape Gospel Rhema	- Mission Vengthlang Bial	34.	Tv. Johny R. Lalhmangaiha, Nehemia Gospel Team	- Dawrpui Vengthar Bial

NEICC PUAL TAWNGTAI THUPUI

A hun: October 21, 2012

1. NEICC member kohhran 51 te inpumkhat zelna atan leh chumi atanga miten Pathian ram nun an hmuh theih nan.
2. NEICC hotute leh a hnuacia Thalai leh Hmeichhe lam hruiute leh Office-a thawkten Pathian ram rawngbawl hna thawk rilru an put zel theih nan.
3. NEICC kal tlanga kristianten zirna hmanga rawng kan bawlhona Meghalaya-a Union Christian College-a thawktu Principal, thawktu dang hnam hrang hrang te, state hrang hrang atanga zirlai lo kalte leh College enkawltu Board member-te inpumkhatna atan.
4. NEICC hmalakna kal mek- Research Centre, Pathian thua Doctorate course zirna, UCC-a Higher Secondary course, Jubilee Building leh thil dang ruahman mekte an lo hlawhtlin zel theih nan.

ADVERTISEMENT

Synod Mission Board chuan kum 2013 chung Contract basis-a thawk turin Missionary, category hrang hrang (*Evangelist, Evangelist Teacher, Staff Nurse, Health Worker, puanthui zirtirtu*) a la thar leh dawn a, dil duh chuan a hnuacia tarlan ang hian dil theih a ni:

1. Dilna chu plain paper-ah Secretary, Synod Mission Board, Synod Office address-a ziakin, October 31, 2012 (Nilaini) tlai dar 4:00 thlengin Synod Mission Board Office-ah thehluh tur a ni a; hun tiam hnu lama dilna thehluh chu pawm a ni lo vang.
2. Dilnaah chuan -
 - 1) Mahni bio-data chiang taka ziak tur a ni.
 - 2) Mahni lawina Kohhran Lehkha thil tel tur a ni.
 - 3) Thiamna tilang thei document (*marksheet, certificate etc*) kim takin thil tel tur a ni. Heng hi thil tel a nih loh chuan dilna chu pawm a ni lo vang.
3. Diltu chu kum 18 - 35 inkar a ni tur a ni.
4. November 8 & 9, 2012 (Ningani & Zirtawpni) dar 10:00 a.m.-ah Synod Office-ah personal interview neih tur a ni.

Sd/-
REV. LALCHHUANMAWIA
 Secretary Synod Mission Board
 Contact no. 0389 2325899

HNARUAK

World Communion of Reformed Churches (WCRC) hnuia General Secretary hna chu May 2014 atanga thawh tan theih turin a ruak dawn a, he hna dil duh leh hrechiang duh tan a hnuia address-ah hian zawhfah theih a ni.

Rev. Dr. Sheilagh M. Kesting,
Church of Scotland Offices,
121 George Street,
Edinburgh, Scotland EH2 4YN
 E-mail : skesting@cofscotland.or.uk

SYNOD BOOKROOM OCTOBER 2012

☐ Chicken Soup for the Christian Soul	₹ 200/-
☐ Kristianna leh tunlai khawvel	₹ 100/-
☐ Mizo hla kungpui Laithangpuia	₹ 70/-
☐ Tlakawrh (Counselling kaihhraina) By C. Lalneihkima	₹ 70/-
☐ Kristian Naupang thawnthu 1 & 2, Naupang Sunday School thawnthu	₹ 30/-
☐ Trisha By H. Lalngurliani	₹ 100/-
☐ Siamtharlehna By Rev. Lalpiangthara	₹ 100/-
☐ Ramthim unaute chanchin By T. Lalchhuangliana	₹ 100/-
☐ Thukhawchang 5 By Lalhmingliana Saiawi	₹ 120/-
☐ Kumhlui leh lunglen By C. Zolianpari	₹ 100/-
☐ Manners & Etiquette By Rosy K. Remsangpuii	₹ 150/-
☐ Maphasy By F. Lalzuithanga	₹ 70/-
☐ Mizo mi chakte (4th Edition)	₹ 150/-
☐ Mizo thawnthu Lawnglaii leh Phawlawngzamngira By P. Zakhuma	₹ 70/-

PATHIAN THU ZIR DUH TAN

Presbyterian Bible School, Mission Veng-ah Session 27-na atan Certificate in Theology (C.Th) Admission hawn a ni a. Dil duhte tan a hnuia tarlan hi hriat tur a ni e.

- ☐ Admission Form : Office hun chungin Rs. 10/- a lei theih a ni
- ☐ Dilna thehluh hun tawp : November 28, 2012 (Nilaini) tlai dar 3:00 thleng
- ☐ Dil thei chin : Class VII passed, kum 16 chin, Kohhran dan chungung awm
- ☐ Interview : December 4, 2012 (Thawhlethni) zing dar 10:00
- ☐ Class tan hun : January 14, 2013 (Thawhtanni)
- ☐ Zir hun chung : January - April, 2013
- ☐ Stipend : Zirlai pakhat hnenah thla tin Rs. 500/- pek a ni. Hostel a awm lo.

Hrechiang duh tan Phone No. **857308007/2317343/2350082**-ah zawh theih a ni.

REV. R. LALENGMAWIA
 Principal

HRIATTIRNA

Synod Multipurpose Training Centre, Mission Vengthlang, Aizawl-ah a hnuia Trade-ah hian training hawn a ni leh dawn a. Dilna chu a hnuia hming ziak hnenah hian Kohhran lehkhah thil telin thehluh theih a ni. Zir hun chung chu 15th Jan - 15th Dec, 2013 a ni e.

- 1. Tailoring mipa - Seat 20
- 2. Tailoring hmeichhia - Seat 40
- 3. Shoe making, mipa - Seat 5
- 4. Dil theih hun chung - November 2012
- 5. Interview - December 12, 2012 (10:00 a.m.)

Zir tura lakthe chu thla tin stipend ₹ 500/- pek an ni ang.

Sd/-
Rev. F. Lalrinnunga
 Programme Director,
 Synod Multipurpose Training Centre,
 Mission Vengthlang

TAWNGTAI BU LAM THEIH

Tawngtai Bu chhut thar leh a ni a, kar leh atangin Synod Office-a Mamawh lamna-ah Kohhran/Bial copy tur a lak theih leh ta e.